



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 6. Errores condemnantur.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

Sæcul. XIII. nuos potuisse solum dignitates minores
A. C. 1243. suscipere, non Episcopatum, cujus ex-
 pressa mentio in facta legis gratia fieri
 debuisset. Itaque per litteras 5 Jul. 1240.
XIV. ep. 115 ad Archiepiscopum Remensem datas &
ap. Rain. electionem & approbationem declara-
1240. n. 30. vit nullam: Legatum quoque reprehendit,
 quod Petro Diaconatum contulerit. Gregorius tunc in S. Ludovicum haud
 fatis æquo erat animo, quia eum ad bellum Imperatori inferendum permovere
1. ep. 254. 262 haud potuerat. Sed Innocentius tracta-
Rain. n. 31. bilior in S. Ludovici gratiam an. 1243.
 electionem Petri ratam habuit, qui se-
 dem Noviodunensem sex annis tenuit.

§. VI.

Errores condemnantur.

Matth. Par. Eodem anno 1243. post diem festum
p. 541. S. Michaëlis inchoatis rursus ex more studiis damnati sunt multi errores, quos Theologiæ Professores docuerant, ii præcipue, qui inter Fratres Prædicatores Minoresque eminebant, & curiositati æque ac subtilitati suarum inquisitionum nimis indulserant. Huic malo medicina ut fieret, congregati Præsules auctoritati sacri Codicis insistentes condemnarunt decem puncta sequentia. 1. Essentia divina non videtur in se vel ab homine glorificato, vel ab Angelo. 2. Quamvis essentia

essentia divina sit eadem in Patre, Filio & Spiritu Sancto; non tamen sub ratione formæ in Spiritu Sancto eadem est, quæ in Patre ac Filio simul sumptis. 3. Spiritus Sanctus, quatenus est amor sive nexus, non procedit a Filio, sed a Patre solo. 4. Ne sanctissimæ quidem Virginis, multo minus alius Beati corpus aut anima cum Angelis in cœlo empyreo erit, sed in aqueo seu crystallino supra firmamentum. 5. Malus Angelus a primo creationis instanti malus fuit. 6. Haud una tantum veritas, quæ non erat Deus, ab omni æternitate fuit. 7. Angelus in eodem puncto temporis diversis in locis, immo ubique, si velit, esse potest. 8. Primum instans, principium, creatio & passio nec creator sunt nec creatura. 9. Angelus malus, fulcrum seu adminiculum, quo subsisteret, nunquam habuit, uti nec Adamus in statu innocentia. 10. Qui meliores habet dispositiones naturales, habebit necessario majorem gratiam & gloriam.

Præsules, dum hæc errata damnabant, simul in illos, qui ea defenderent, anathema intorquebant, cuilibet errori veritatem contrariam, quæ credenda esset, opposites. Ita rem Matthæus Paris refert; sed alibi legimus, anno 1240. Guilielmum Episcopum Parisiensem eosdem errores in quibusdam scriptis inventos

Sæcul. XIII.
A.C. 1243.

Bibl. PP.
Paris. to. 4.
p. 1142.

Hist. Eccles. Tom. XX. E e tos

Sæcul. XIII.

A.C. 1243.

tos condemnasse, cum hunc in finem omnes Professores Parisienses convocasset. Non tamen id obstat, quin illi post triennium numerosiore in confesso damnari potuerint.

§. VII.

Querelæ de Religiosis Mendicantibus.

Matth. Par.
p. 549.

Eodem tempore inter duos Ordines Mendicantes exorta est controverfia, uter potiores haberet partes? Fratres Prædicatores dicebant: *Nos sumus priores: vestimur honestius: ad verbi divini præconium, quod est munus Apostolicum, destinati sumus, & ab illo nomen cepimus.* Fratres Minores reponebant: *Amore Dei genus vivendi austerius ac demissius & hoc ipso sanctius amplexi sumus. Unde factum, ut vos transferre ad nos possitis. Ad ea Prædicatores: Verum est, vos nudis pedibus male amictos & cinctos funibus incedere. At quis vetat, ne carnibus ut nos vescamini, & palam quidem, ac victu lautiore utamini? Quare negamus, nobis transire ad vos licere: potius contrarium asserimus.*

Matthæus Paris hanc litem referens suo nomine addit: *Magnæ illa offensionis fuit, sicut dissidium Templarios inter ac Hospitalarios in Terra sancta; & ista Fratrum*